

OBRADOIROS PARA A CONCILIACIÓN FAMILIAR E LABORAL NAS ESCOLAS INFANTÍS MUNICIPAIS DE CONXO, AS FONTIÑAS E MEIXONFRÍO- SALGUEIRIÑOS.

A Xunta de Goberno Local na sesión celebrada o 19 de setembro de 2022 aprobou, a proposta do Departamento de Educación, os novos prezos públicos para o servizo de obradoiros nas Escolas Infantís Municipais, cunha importante redución do seu importe por razóns de interese social e de efectividade das políticas educativas municipais así como de atender aos fins complementarios de atención á conciliación familiar, laboral e persoal e de igualdade de xénero,

Os obradoiros teñen como obxectivo axudar ás familias a conciliar a vida familiar, laboral e persoal nos períodos non lectivos e extraescolares. Así as escolas infantís municipais convértese nun lugar de encontro para nenos/as do segundo ciclo de Educación Infantil e Primeiro ciclo de Primaria cunha proposta diferente e lúdica, rompendo coa rutina do curso escolar e ofertando unha serie de actividades aos máis pequenos/as que permitan ás súas familias seguir cumprindo cos compromisos laborais.

DESTINATARIOS: Nenos e nenas empadroados no Concello de Santiago de Compostela ou sen estar empadroados cursen os seus estudos en centros de educación infantil e primaria desta cidade, con idades comprendidas entre os 3 e os 8 anos (2º ciclo de educación infantil e 1º e 2º curso de educación primaria). Os obradoiros desenvolveranse coas seguintes modalidades, a escoller polos interesados/as:

- Obradoiros durante o curso escolar 2022-2023 (de setembro a xuño).
- Obradoiros en días soltos.
- Obradoiros durante as vacacións escolares (primeiros días de setembro, Nadal, Entroido, Semana Santa e últimos días de xuño). Estas prazas, no caso de que non se cubran cos nenos/as matriculados nos obradoiros do curso escolar serán cubertas segundo os puntos obtidos mediante o proceso de baremación no período de inscrición aberto a tal efecto e despois, se quedan prazas, por rigoroso orde de chegada ao rexistro.

HORARIOS:

- De 16.00 ás 20.00 h. durante o curso escolar.
- De 10.00 ás 14.00 h. en vacacións escolares. As familias poden ampliar este servizo co horario de almorzo (7.30 ás 10.00 h.); comedor (de 14.00 ás 15.00 h.) e horas a maiores (15:00 a 16:00 horas).

TARIFAS:

MATRICULA ANUAL: 75 €	
TARIFAS	IMPORTE
2 TARDES	15 €
3 TARDES	20 €
4 TARDES	30 €
5 TARDES	35 €
Día solto	6 €

SERVIZOS COMPLEMENTARIOS	
TARIFAS	IMPORTE
COMEDOR MES	17.45 €
COMEDOR SOLTO	4 €
ALMORZO MES	10 €
ALMORZO SOLTO	2 €
HORA A MAIORES MES	10 €
HORA A MAIORES DÍA	2 €

OBXECTIVOS: favorecer a conciliación da vida familiar e laboral, ofrecendo aos nenos e nenas unha alternativa de lecer e tempo libre, desenvolvendo valores de cooperación, respecto e tolerancia.

Obxectivos específicos:

- Que os/as nenos/as se sensibilicen de forma divertida con diferentes disciplinas artísticas.
- Fomentar a curiosidade, as gañas de aprender e de descubrir novas aventuras.
- Desenvolver a autonomía persoal no día a día.
- Dar a coñecer diferentes actividades lúdicas de lecer e tempo libre.
- Promover actividades que favorezan o traballo en equipo e a creatividade.
- Fomentar o compañeirismo e a tolerancia a través de actividades de traballo en equipo.
- Coñecer o entorno que nos rodea.

TIPO DE OBRADOIROS: o programa contará cun obradoiro diferente cada día:

- **ARTE:** neste obradoiro traballarase a expresión plástica, con actividades lúdicas que favorezan ao desenvolvemento da creación, imaxinación e percepción. Será un medio de expresión onde aprenderán moitas maneiras de expresarse, coñecer un pouco da historia artística e potenciar as súas capacidades intelectuais.
- **CIENCIA:** con este proxecto achegarase aos nenos e ás nenas o mundo que lles rodea, moitos experimentos divertidos e explicacións do que acontece. Cos obradoiros de ciencia, alimentase esa curiosidade e proporcionáselles aprendizaxes, facendo observacións, recompilando información, formulando preguntas e que cheguen a unha conclusión.
- **COCIÑAS DO MUNDO:** neste obradoiro os nenos e nenas desenvolverán habilidades básicas, explorarán cos seus sentidos e buscarán actividades onde as poidan conseguir de maneira independente e con alimentos saudables. Un obradoiro onde investigan, manipulan, crean, exploran e aprenden dotes culinarias.
- **MANUALIDADES:** son moitos os beneficios que se atopan nos obradoiros de manualidades. Desenvolven a creatividade, a concentración e a imaxinación. Aumentarán a autoestima e autoconfianza, aprendendo a planificar e resolver problemas.
- **XOGOS POPULARES:** é sabido que o xogo é un instrumento indispensable na vida dos nenos para aprender. Principalmente beneficia as súas habilidades psicomotrices, sociais e de autoestima. A parte destes motivos, preténdese achegar aos nenos e nenas aos xogos máis populares que eles descoñezan, xogos que leven á casa e que poidan desfrutar cas familias.

NÚMERO DE PRAZAS: o número total de prazas ofertadas é de 45, distribuídas en 15 prazas para cada escola.

- Escola Infantil Municipal de Conxo: 15 prazas
- Escola Infantil Municipal das Fontiñas: 15 prazas.
- Escola Infantil Municipal de Meixonfrío-Salgueiriños: 15 prazas

Nestes momentos quedan prazas dispoñibles para as familias que o necesiten.

SOLICITUDE DE OBRADOIROS: As solicitudes presentaranse segundo o modelo normalizado ben por medios electrónicos ou de xeito presencial, no Rexistro xeral do Concello de Santiago (Rúa Presidente Salvador Allende 4, Galeras) ou mediante calquera das formas previstas no artigo 16.4 da Lei 39/2015 do 1 de outubro, de procedemento administrativo común das Administracións Públicas. Se presenta a solicitude a través da sede electrónica do Concello de Santiago (<https://sede.santiagodecompostela.gal/>) escolla “inscrición nos obradoiros das escolas infantís municipais” , solicitude ED003, dentro do catálogo de trámites dispoñible.

O prazo de presentación está aberto todo o ano se quedan prazas vacantes. Neste momento pódese presentar solicitude e se admitirán por orde de chegada ao rexistro.

MÁS INFORMACIÓN:

Departamento de Educación

Edificio Cersia. Rúa do Alcalde Raimundo López Pol, S/N.

San Lázaro. Santiago de Compostela 15707

Teléfono: 981 554 400

www.santiagodecompostela.gal

dptoeducacion@santiagodecompostela.gal

E.I.M de Conxo Praza de Aurelio Aguirre	E.I.M das Fontiñas Rúa Fontes do Sar	E.I.M de Meixonfrío- Salgueiriños Rúa Lavadoiro
981528702	981528703	981528707